



143 681

QVÆSTIO MEDICA

CARDINALITIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 14. Martij.

M. GERMANO PREAVX

DOCTORE MEDICO PRÆSIDE.

An somnus salubrior, qui breves facit tenebras?

I.

SOMNVS mortis speculum: nihil quippe est, quod illius speciem accuratius delineatam nobis ponat ob oculos, quam corpus amicæ vi soporis elisum, blandâ quietis necessitate prostratum, immobile situ, sine voce, sine cognitione, sine sensu. Hujus attendita cogitatio ad piè vivendum tam utilis, quam usus ad benè beatèque degendum est necessarius. Is primos vitæ carceres aperuit, non vigilia; otium, non labor: humani generis fons antè ebibit soporem, quam sitiit quietem; antè dormiit, quam laboravit. Fœtus humanus à somno vitam orditur; quùm primùm in lucem egressus, ut ipsam flebilem vagitu salutavit, somno premitur per aliquot menses, vix aut parum vigilat. Nihil igitur in homine antiquius τῆς τῆς αἰσθητικῆς κατανύψεως ortâ ex detentis intra cerebri ventriculos speciebiles animalibus (non unius indolis, at diversæ pro facultatum varietate, quarum famulatio mancipantur) qui quamdiu inibi quieti ac immoti perstant, sensus

communis cum externis feriat, musculi motus *ægyptiæ* organa otiantur, non in somnambulis. Remoram hanc facit spirituum segnitias & ad motum ineptitudo, jucunda & amabilis à sensoriis motusque organis abductio ac revocatio, cibi & humorum benigna divaporatio, aditum ad sensus motusque instrumenta denegans, cerebri rectè conformati temperies, vel ad humiditatem vergens. In hac placidâ functionum animæ vacatione (verius remissione) natura non distracta, operibus suis tota vacat. validiusque incumbit, spiritus generis omnis elaboratiores cudit, copiosos congerit, alimenta & succos crudiores concoquit, humores fervidiores inutiles ac noxios domat & temperat, tum ab utilibus secernit, & ad excretionem apparat, succos alibiles defœcat, partium intemperiem calidam retundit & siccitatem emendat. Somni essentia una, causâ unica, differentia multiplex, finis unus, effectus varij, dispar salubritas, qui commodissimo tempore initur, laudabiliorem corporis humorum & spirituum constitutionem & mentis majorem tranquillitatem indicat & præstat, cæteris præstat longèque salubrior existit.

I I.

SOMNVS res naturalis non est, nec vigilia, verùm utriusque vicissitudo reciproca: Hujus quando calor natus foras, illius quando intrò viam affectat; hinc est quod per somnum coctio meliùs fit, atque spirituum in suis fontibus generatio, & proventus uberior, per vigiliam eorundem distributio: coctio caloris opus, distributio motionis: coctio duplex, privata & publica, utraque in partibus officio publico fungentibus & principibus; illam nulla excipit anadosis, sed hanc dumtaxat; illa indefinenter fit, hæc per intervalla; illa à calore partibus insito & ex rerum adjacentium vicinitate adventitio perficitur; huic præterea identidem subsidio venit ad suffragatur ascititius à spirituum & sanguinis ad interiora confluxu: distributio fit eorundem motu à centro ad circumferentiam. Ad concoctionem cessuram in commodum corporis universi morâ & cunctatione opus est modò longiore, modò brevior: eam promovet somnus calore intrò coacto, non omnis ex æquo. Brevis eâ non peractâ desinit, parum conducit: longior eâ absolutâ ac completâ perseverat, qui dum alimenti confecti & spirituum in omnes corporis partes derivationem prohibet, excrementorum tum crassorum tum fuliginorum evacuationem præter sudorem cohibet. Levis paululùm confert, *πολύτροπος* est, senibus & naturâ suâ calidis familiaris. Profundus plurimùm juvat, cæcus est, in recens natos infantes potissimùm cadit. Interruptus duplici eâque oppositâ spirituum & sanguinis agitatione an plus proficit, vel noceat, jure dubitatur? Continuus & placidus naturæ coquenti præclarè opitulatur, cui non parùm officium acres humores & terri fervidioresque halitus, à quibus turbulentus excitatur. Horum quilibet nocturnus est, vel diurnus. Brevis, levis, interruptus & turbulentus ab intemperie cerebri calidâ vel siccâ, humorum vel fuliginum acriorum morfu vel animi sollicitudine nimia. Longus, altus, continuus ab intemperie cerebri frigidâ vel humidâ, humorum benigniorum aut frigidorum exupe-

rantiâ, spirituum crassitie, vel vaporum copiâ ac densitate. Placidum concitant suavis & copiosa Anathymiasis, cerebrum naturaliter constitutum irrigans afficiensque & mentis tranquillitas.

III.

ANIMÆ functiones hilaritate ac voluptate quâdam conditi natura, ut in iis obeundis aut non laboretur, aut labor ametur. Somno sua inest suavitas, sua quoque inest molestia. Non omnis itaque quasi dono Divûm gratissimus serpit, verûm modò *ὕπνιον*, modò *ἀεχόν* existit: neuter tempestivus, nisi de nocte obrepit: hic longiores, ille breves facit tenebras laboriosi insomnij absentia & vigiliarum vacuitate: eamobrem arctus est, stertoris & gravis anhelitus expers, nec interrupte ad exactam noctem protenditur, hyemē & vere quàm æstatē longior futurus. Is quovis anni tempore tamen aliquando brevior, cerebrum à naturali suâ temperie modoque minimè deflexisse, sed blandæ *αἰσθητικῆς* humenti facultate sic perfusum, ut illas & nullatenus labefactata sit illius conformatio certè demonstrat (ut effectus causæ suæ index est certissimus) humorum & spirituum æstum motumque sic repressum, ut non modò sensus interior, sed & imaginatio vacare vinculo irretita videatur, ut otiante sensu communi defidere cogatur ipsa, nec ullâ mentis perturbatione, humorum mordacium aut humorum aculeis utriusque facultatis quies interpelletur: In ea potissimum partium temperie, humorum omnium *εὐθεία*, ciborum benignitate, quam coctionis robore somnus longus breviori felicius conciliat: hinc ejus & alimentis societas mira est ad salutem & integram valetudinem tuendam, vel etiam restaurandam concordia, *ὅτε ὁ ὕπνος ἐπὶ ἀγνοίᾳ*.

IV.

VISCERVM partiumque omnium naturalis optimaque constitutio, ut & spirituum puritas atque ubertas functionum integritate liquidò se produnt. Confestim à somno animæ munia perfectius eduntur, corpus alacrius & vegetius factum faciliè expeditèque movetur, sensus tunc perspicaciores rectius de objectis suis judicant, mens ad præclara quæque studia & artes erectior, non ab omni equidem pari successu, verûm ab eo præceteris, qui breves facit tenebras; per eum quippe validus constansque est spirituum & sanguinis ad interiora recursus, eorum cunctatione morâque diuturniore nec interrupta coctio cibi & sanguinis perfectior, ut & elaboratio, tum blandi suavisque halitus jugiter expirantes suo madore roscido cerebri squallorem aliarumque partium per vigilias & labores inductum, temperant, corrigunt, somnum protrahunt, sitim sedant, & ex puriore & vaporosâ sanguinis parte cum aëre defæcato spiritus influentes in suis fontibus perenniter generantur, quorum maxima tunc ideo congeritur copia, quòd nulla aut saltem perexigua fiat eorum dissipatio sensibus internis & externis planè quiescentibus, & otiosis utcumque motus voluntarij instrumentis ex usus necessitate non agentibus.

VT de somni salubritate rectè statuatur, attendendum ad tempus, quo quis indulget: eo ut legitime fruamur, dies cedit, nox legem facit rerum colorem auferens & silentium imperans, ne intempestivè evigilemus, causa somni nondum excussa, unde capitis gravitas, corporis segnities. Eo initio diem diffundere impunè non licet: quot horarum esse debeat definitum non potest. Alimenti in chylum conversione peractà, & sanguine ex eo genito, utroque succo à suis recrementis repurgato, tenuioribus utcumque discussis, crassioribus in propria receptacula propulsis, aut ab iis tanquam convenientibus prolectatis, & inibi coacervatis, spirituum per vigiliam præcedentem, laborem aut exercitationem jacturà abundè reparatà, peropportunè desinit, præsertim si tunc lux orientis diei emicet, ut natura sanguinem & spiritus in omnes corporis partes quoquoersum diffundens, aërem lumine suo & calore faventem habeat. Per id temporis si quis dormiens in alterutrum latus molliter decumbat, manibus & cruribus paululum reductis, nec ore hianti, placidèque adeò quiescat, ut nec stertat nec ronhisset nec vanis spectrorum imaginibus ejus phantasia deludatur, & experiret tantum mente valere & corpore vigere se sentiat, quantum ætas & nativæ constitutio patitur, somnum hunc non modò salubrem, ut incolumitatis indicem, sed & vindicem & quovis alio salubriorem pronuntiare meritò absurdum non erit, talis autem haud dubiè is est, à quo noctis brevisitas existit.

Ergo somnus salubrior, qui breves facit tenebras.

Proponēbat Lutetiæ CLAUDIVS PVYLLON
Parisinus, A. R. S. H. M. DC. LXIX.

PARISIIS,

Ex Typographia F. MUGUET, Regis ac Illustriss. Archiepisc.
Parisiensis Typographi, viâ Cytharæ, ad Insigne
Adorationis trium Regum.